**摘藻堂四庫全** 

書薈

**要** 经 部

## 欽定四庫

生書格要 春秋或問卷女

詳校官原任侍講臣王燕緒

欽定四庫全書首要卷一千五百十六經部 而其言曰夏數得天百王所同其在商周革命改正示 不相沿至於敬授民時延守於享猶用夏馬然則司馬 春秋或問卷六 冬教大閱獻禽以享然所謂用夏而魯之然祭在春 學會然以春正月其不同何也周書有周月以紀改 一書然之義何也曰胡氏曰案周書大司馬然以中 正月己卯然八年 日大主 撰

秋非以不時志也為再然見贖書也 春與之志不時也是以閉墊而然為是與周制異矣春 正月見春秋用周正紀魯事也而穀梁乃曰然冬事也 事之一證也 或問十月雨雪常事也何以書或曰此春秋以周正紀 **新定四庫全書** 冬十月雨雪 祭公來遂逆王后于紀紀李姜歸于京師

或問祭公來遂逆王后于紀而先書來何也曰此與祭

之逆后逆后之命其殆出於祭公來魯之後乎因祭公 逆王后于紀何也紀之於魯蓋婚姻之國也紀問齊難 之來魯而遂逆王后于紀非端本之道也然春秋書逆 之歸于京師魯實主之魯急於固紀是以因祭公之來 諸侯也使同姓之諸侯為之主太上無敵也故紀季姜 而使請於王以逆后爾當祭公之來王固未有成命使 於魯而王娶后於紀則魯實為之謀也天子之娶女於 伯來一例爾盖私來也王臣無外交祭公來非禮也其 real of the last 春秋或問

書之也魯為之主故書歸不為之主則亦不書歸矣劉 王后而不由天子之命乎亦必不然矣春秋書遂皆繼 然或以遂為專行之辭然以理度之少無此事豈有逆 公之遂以魯為之主而書之也劉夏之遂以其過魯而 然惟紀季姜書歸於京師而劉夏之逆后不書歸則祭 王后者二桓八年及襄十五年劉夏逆王后于齊是也 已尊便士則已早鄉逆之公監之乃合於禮其理或 以為劉夏之逆后則士也祭公之逆后則公也使公 **发四月百十二** 

|遂逆王后于紀也但其始來之初不為逆后而來而卒 祭而遂伐楚也僖三十年書如京遂如晋盖先如京而 或問公與衛侯約會于桃丘而弗遇何也曰齊鄭之如 後如晉也此年祭公來遂逆王后于紀蓋先來魯而後 以逆后歸耳故夫遂者繼事之辭也 事之解非必皆專行也信四年侵蔡遂伐楚是盖先侵 紀將以圖紀也而紀會公于成又朝于我納后于周又 定四庫全書 公會衛便于桃丘弗遇 春秋或問

鉈

或問桓公弑逆之人天下之大惡也齊衛鄭之來代未 舊好矣衛始以鄭之怨而約與魯會終以齊之故背魯 郎之戰爾書曰弗遇罪不在魯也 而弗來蓋公之所以弗遇者齊與鄭實軋之也是以有 因而會之将以為援也然蒲之青命則齊與衛亦既修

於謀魯伐鄭之役衛實從王則鄭與衛有除矣故魯桓

以魯為主皆将以固紀也齊鄭急於圖紀故不得不急

舉兵深入而實未有辭也書曰來戰于郎罪不在魯也 之大惡也鄭伯則首盟于越以定其位齊侯則繼會干 為無辭而春秋以來戰為文何也曰桓弑逆之人天下 或問此郎之諸侯也曷為稱人曰春秋書法凡一役而 再見者人之隱十年公會齊侯鄭伯于中丘夏暈師師 可仗不過以私怨小忽親即其師而來戰於魯之近邑 以齊其姦則既與之為好矣今之來戰非有名義之 齊衛鄭盟于惡曹

滅后之母家衛亦抗子突而自立其無王甚矣自有家 郎之戰又結怨固黨以為惡曹之盟使鄭莊不死則三 也亦將以抗王也鄭既有敗王師之罪矣而其後齊亦 惡曹之盟三國之惡稔矣抑是盟也又宣特以抗魯而 會齊人鄭人伐宋此其例也三國既以不道與師而為 而有志於伯令也三國合而為惡曹之盟不持以抗魯 國之黨不分而魯之兵禍未有已也書郎之戰而繼以 )哉齊鄭自石門之盟而有志於伯齊衛自蒲之胥命

金定四庫全書

或問祭仲之事公羊以為知權何也曰甚哉公羊之謬 盟莫甚於惡曹春秋惡之 宋人執祭仲突歸于鄭鄭忽出奔衛

曰為我出忽而立突祭仲不從其言則君必死國必亡 也愚當旗其言而論之公羊之言曰宋人執祭仲謂之

從其言則君可以生易死國可以存易亡少遼緩之則 突可故出而忽可故及是不可得則病然後有鄭國古

善者也權之所設舍死亡無所設行權有道自貶損以 設行權有道必度義以行權不肯經以行權殺人以自 出突而及忽是逐二君也古人有權者不如是也權者 其言則身可以生易死君必出國公亂少遼緩之然後 祭仲死則鄭怒於宋民知有義宋必不能逞志於我從 為也愚請及之曰祭仲不從其言則身必死國必不亡 何權者合於經然後有善者也權之所設舍正理無所 行權不害人以行權殺人以自生亡人以自存君子不 灾 厚全量 |

子孰不為此乎故曰甚哉公羊之謬也突不係以鄭何 也曰小白係以齊明當有齊也子糾不係以齊不當有 仲而却之矣如力不能而誇大為言何故聽之且祭仲 仲謂宋誠能以力投鄭忽以滅鄭國乎則必不待執祭 生亡人以自存君子不為也何者若祭仲知權者宜致 死馬足矣若不能是莫若强計馬還至其國而肯之執 死勿聽使宋人知雖殺祭仲猶不得鄭國乃可矣且祭 而殺之可矣何故默正而立不正以為行權亂臣賊

.... J. J.In 1

春秋或問

忽於鄭則有異矣至於復歸於鄭則稱世子何也曰此 也鄭忽雖立亦未成君也未成君者蓋其國人亦未之 鄭也可知矣曰君在喪未喻年稱子忽立三月矣何以 正其為世子也正其為世子則突之不當立明矣 君也未之君則其與突何異馬忽之名與突無異而係 不桶子而稱名曰此爭國之辭也曹羈雖立而未成君 齊也忽係以鄭明當有鄭也突不係以鄭則其不當有 茶會盟于折

金灰四月白雪

或問系何以名曰禄去公室政在大夫其始於柔會宋 絕而自見者也而何必求之過哉故當謂內大夫師師 陳蔡之盟乎先儒皆以為貶而稱名然謂之貶而稱名 遂公孫歸父之師師甚則季孫行父臧孫許叔孫僑如 自無駭始內大夫與諸侯盟自柔始自其有無駭之即 例也公子結何以不貶夫以大夫與諸侯盟此不待貶 公孫嬰齊四卿並師師其自其有柔之盟也然後有公 也然後有量有慶父有公子友公孫兹公孫敖公子

1. 1.5

春秋或問

定突之位乎魯桓以為鄭突猶已匹也是以汲汲而為 立突之功折之盟其殆欲倚宋以平魯鄭陳祭而將以 魯為輝陳蔡從王與鄭為讎久矣今鄭莊已死而宋有 子結公孫敖季孫行父公子遂臧孫許仲孫蔑仲孫魏 耳蔡叔何以稱字曰諸侯之母弟稱字者非大夫也 都子盟于句釋矣然則折之盟何也曰鄭連齊衛與 孫何忌之及諸侯盟甚則叔孫州仇仲孫何忌二卿

四月至三

此年祭叔十五年許叔十七年蔡季莊四年紀季是也

也為人謀事而欲解其雖然也怒其解平而復黨其惡 或問公與宋公四會一盟春秋列書而不置何也曰亦 其稱名者大夫也 則宋之精貳無厭可知而魯之强貼不捨亦已甚矣始 於鄭公於是四會一盟以求之而宋終不與之平也然 之力而得國而突之貼於宋者未滿其欲也是以責賂 可以見春秋之會盟無一足恃者矣突以弟篡兄倚宋 會于夫鍾于關于穀丘于虚于龜于武父

謀人之事者固如是乎或曰突篡君也武父之盟書曰 魯之罪可知矣受人之惠而忘其德念其小怨而至於 鄭伯何也曰諸侯雖以篡得國尚其大臣君之其國人 君之從其實也武父之鄭伯是也尚其雖正適而未成 甚且不謀人之事則已五及而不合至於結黨而交兵 弑之人而多責其賂宋之罪亦可知矣皆罪也而魯尤 君之諸侯亦與之會盟以為彼國之君也聖人亦從而 用兵鄭之罪可知矣執人之權臣而使之出其君納墓

定匹庫全書 一

屢盟於魯而無信者宋也二國聲其罪以致討故書曰 或問戰而書及何也曰戰而書及皆公也此年戰于宋 忽是也聖人何加損馬 也胡氏曰既書伐宋又書戰于宋者責賂于鄭而無厭 十七年及齊師戰于奚莊九年及齊師戰于乾時皆公 以為彼國之君也聖人亦從而名之從其實也曹羁鄭 及鄭師伐宋戰于宋

春头戏图

君也其大臣不之君其國人不之君列國之諸侯亦未

或問此一役宜可以固紀矣而紀不免於亡何也曰此 罪在彼戰于郎是也往戰者罪在內戰于宋是也 伐夫宋人之罪則固可伐矣然取其賂以立督者魯桓 以為重一會于成再來朝三納后於王皆將以固紀也 用賢治不肖不以亂易亂也故又書曰戰于宋來戰者 也資其力以篡國者鄭突也無諸已然後可以非諸人 以連紀之亡也向也齊鄭如紀将以襲紀也紀倚魯 公會紀侯戰齊宋衛燕師敗績

鉑

定匹庫全書

求以安紀亦晚兵胡氏口齊為無道恃强陵弱此以紀 與人戰幸而勝齊彼將謂可以固紀矣而不知所以速 紀之亡者在是役也追夫紀懼亡之不給復為黃之盟 之功此可喜也以大國之勢而蓄必報之憾甚可懼也 四國敗績馬紀之亡形成矣夫以垂亡之國而獲勝捷 魯宋有隙齊又挟宋衛燕以圖紀魯鄭援紀而與戰而 齊衛鄭來戰于即矣又盟于惡曹皆将以抗魯也今者 公之所以為紀謀者既無以為固紀之道而徒挟鄭以 nul to hot is dula The 春秋或問

後辭輕與齊戰而為之援者弑君之賊篡國之人也不 亡鄭勝蔡而懼蔡敗楚而減今紀人不度德不量力不 義辨論之文猶不得免馬則亦固其封疆郊死以守上 能保其國自此戰始矣 動則相時小國鄉大國而幸勝馬禍之始也息伐鄭而 訴諸天子下告諸方伯遂率與鄰國之諸侯其必有伸 之者矣不如是而憤然與戰豈已亂之道乎同力度德 為主何也彼為無道加兵於已必有引咎責躬之事禮 巴屋有事

子定四年陳子衛宣未葬則其稱衛使何不以居喪之 或問陳氏曰凡君在喪稱子僖九年宋子二十五年衛 公會鄭伯于曹

成四年未喻年亦曰鄭伯甚矣春秋之法尚在喪未喻 禮出也衛朔宋固成三年陳溺襄五年猶踰年也鄭貴 年不成君是故衛成公不書卒鄭属曹羁之奔也但書

名此亦未喻年也而自稱鄭伯吾從而志之無改馬可

也以其不成君則春秋不可以不辨尚繼世矣則春於

春秋或問

飲定四車全書

地中至於二月四陽作蟄蟲起陽始用事則亦始啟冰 或問無冰何以書曰古者藏冰發冰所以節陽氣之感 弗辨也從而志之徒見其悖禮馬爾 發食肉之禄老病喪浴冰無不及是以冬無怒陽夏無 解之十二月陽氣塩伏錮而未發其盛在下則納水於 也夫陽氣之在天地間譬猶火之者於物也故當有以 而廟薦之至於四月陽氣畢達陰氣將絕則冰於是大 春無冰

或問春秋常事不書衫祀然當常事也何以書曰春秋 之書無冰不獨志恒賜之異常燠之罰而亦以備暑之 降民不夭礼故夫藏冰發冰者此變調之一事也春秋 伏陰春無淒風秋無苦雨雷出不震無災霜雹属疾不 書然當者二惟桓八年兩書然與此年一書當而已蓋 春秋常祭凡得時與合禮者皆不書如有事于太廟有 御康災乙亥皆

灾到事和

春秋或問

者宋以之也楚本無意於伐齊而伐齊者魯以之也矣 左右之而行已意也齊察衛陳本無意於伐鄭而伐鄭 或問書以之義日春秋書以者三此年及僖二十六年 也夏五月而烝秋八月而當皆贖祭也 **然當書然則以其騎然而書也書當則以災之餘而書** 公以楚師伐齊定四年察侯以吳子伐楚是也以者能 事于武官皆不書祭名所以書者為事起也惟桓兩書 宋人以齊察衛陳伐鄭

桓晉文之用諸侯也不曰以何也曰桓文倡尊周之義 尹氏以之也此皆非其本意而為人所以之稱或曰 齊 以之也尹氏以王子朝奔楚則王子朝之所以奔楚者 也劉單以王猛居於皇則王猛之所以居於皇者劉單 而率諸侯以從之用伯討也宋魯察挾一已之念而 伐皆惡之而况於以人之兵而伐人之國哉大亂之道 於他人以用之報私怨也用伯討猶出於人心之所

欴

定四車全書

春秋或問

子本無意於伐楚而伐楚者察侯以之也春秋書擅征

樂從報私怨恃强而來耳宋人之始出忽而立突也不 或問君在喪未踰年稱子忽立三月矣何以不稱子而 其甚者也 從之伐鄭則四國之罪亦可見矣齊方有丧而會伐又 智其次責路而無厭也不義其卒以四國之兵伐鄭也 稱名曰此爭國之辭也曹羈雖立而未成君也鄭忽雖 不仁不仁也不智也不義也宋之罪可逃哉至於四國 鄭突出奔祭鄭世子忽復歸于鄭

莒子 東興來奔京十年都子益來奔皆名之然案左氏 一鄭伯突出奔察昭二十一年蔡侯朱出奔楚二十三年 則突之出奔祭仲逐之也沒而不書何也曰書曰鄭伯 異馬至於復歸於鄭則稱世子何也曰此正其為世子 則突之不當立明矣或問諸侯不生名失國則名此年 君則與突何異馬忽之名與突無異而係忽於鄭則有 立而未成君也未成君者蓋其國人亦未之君也未之

突出奔察則突之自失國也春秋之法尚其道足以失

1 de la 18

春秋或問

突之出奔察則不見祭仲何也忽之出特祭仲之為耳 國 鄭稱世子何也突雖君而忽世子之位終不絕也忽世 不書子而突奔則書伯突之君也久矣而忽之復歸于 有國而出於其臣乃其所自取爾故以自奔為文忽奔 外嬖而敖出書奔而已矣曰鄭忽之出奔衛則見祭仲 而突出衛孫林父殺子婚子伯子皮而行出燕大夫殺 雖有權臣亦以自致之文書之是故鄭祭仲殺雍糾 忽罪也是以見其故突之出非特其臣之罪也突實

曹伯襄復歸于曹衛侯鄭復歸于衛皆復其位之稱劉 子之位不絕則突之不當君明矣忽之奔也名以其未 子曰復歸有二義有諸侯之歸有大夫之歸諸侯歸可 官不可言復謂可言復而不言復者奪其國之意也不 言復大夫婦不可言復諸侯世國可以言復大夫不世 明是非若世子而不得正其名則亂臣賊子得志於天 成君也其復歸也稱世子正其為世子也春秋别嫌微 下矣其書復歸何也曰復其位也鄭世子忽復歸于鄭 飲定四庫全書 卷六鼓羽

日開 或問属公復國削而不書而獨書入于樂何也曰胡氏 害也故夫子行乎季孫曰古者家不藏甲邑無百雄之 而立獻公楚有陳蔡不養而叛棄疾末大公折有國之 之死號君共城之叛太叔皆莊公之所親戒也今又城 而真子元馬使昭公不立何謀國之誤也衛有蒲威 鄭伯突入于樂 夫制邑

可言復而言復者致其竊取位之意也

或問兩會伐鄭何也日春秋書會盟會伐會救皆前定 城遂堕三都以張公室於属公復國別而不書者若曰 以身使臂之義為天下與來世之鑒也 既入于襟則其國已復矣於以明居重馭輕强幹弱杖 之辭也未前定則書會于其而後伐會于其而後盟會 侯衛侯于曹公會宋公衛侯陳侯察侯伐鄭 公會宋公衛侯陳侯于襄伐鄭公會宋公察

于某而後我前定同欲也未前定繼事也衰之會先會

曹之會是皆伐突以救忽然以魯桓方與突伐宋亦不 責船於突而伐鄭不宜今年又謀納属公遂謂義之會 告時所納之人哉突之歸于鄭也忽奔于衛而衰之會 突出而復入樂突盖宋昔時所納者也又安得不助其 宜會宋以代突春秋諸侯離合不常可勝辨哉今但據 明矣向也宋因責賂於突而伐之矣今也忽入而突出 其伐鄭二字言之則是時突在樂忽在鄭則其為伐忽 而後代也左氏以為謀納属公或疑宋既以齊察衛陳

定四庫全書

子靈十八年齊殺子靈而立子儀至莊十四年傅瑕殺 傳載忽立二年而高渠彌殺太子忽於桓十七年而立 與齊侯遇于垂從齊桓會于野所謂鄭伯者即突也左 與馬衛不應代忽以納突則察亦不應伐突以救忽春 諸侯離合之不常可勝辨哉但自是而後忽之事春 國子其入也稱鄭伯突其卒也稱鄭伯突則夫其後 不載亦未當稱其為君意者自伐鄭之後而突遂有

則衛與馬忽之復歸于鄭突出奔察而曹之會則察衛

盖以正繼正禮之常也諸倭無所求以亂易亂國之蒙 突之未出也宋方有所責故當伐之突之既出也宋懼 子儀而納属公然皆不見於經則未可盡信也王氏曰 聖人觀其聚散而求其情書其向肯以見其故故自突 而然哉於戲悲夫春秋之世弒逆公行固有自而然邪 而 飲定四庫全書 諸侯有所責故利其亂則幸其危食其賂則黨其邪 所得故求納之始宋不和而公以鄭代宋及突已出 公與宋伐鄭向者相戾之深令也相周之固豈無意

相上下先後浸易其序而名分亂矣 禮制既亡伯者以意之向背為升降諸國以勢之强弱 為後至也夫王制諸侯之爵先後固有序矣春秋之時 察衛伐鄭今年春察衛會魯宋于曹察皆序衛上至於 四月之會伐則衛序陳上蔡又在陳下何也曰先儒以 年察衛會伐戴桓四年察衛從王伐鄭十四年宋人以 秋之初蔡衛凡同會皆序衛上隱四年蔡衛會伐鄭十 入樂公及宋公三會諸侯而再伐鄭無他貼故也案春 春秋或問 さ

其國君其云爾衛候朔名鄭伯突名宜也而信二十八 或問奔君書名以其當失國也失國而名之者蓋誌其 灾四庫全書 | ■ 衛侯朔出奔齊 卷六

쉷

又何以名曰奔而名者國非其國矣奔而不名者國猶 年衛便出奔楚何以不名襄十有四年衛便行出奔齊

其國也鄭伯突出而世子忽入國固忽之國也衛係朔

出而公子點年立國非朔之國也晉文有憾於衛侯而

立叔武叔武辭立而他人立則恐衛侯之不得及也於

當失國也行之出而則立其從會也則稱衛侯以見則 之篡也剽雖篡而行之位終未絕也故其入于夷儀也 也不書名衛侯行出奔齊而剽己立則是國有二君也 稱衛候所以正其為侯也聖人書法之嚴如此哉若夫 雖未君而鄭當失國也故其入于衛書衛侯鄭以見其 叔武立其從會也則稱衛子以見武之未當為君也武 故其出奔也名之不然則無以别二君也鄭之出也而 是已立乎其位而及衛便是則國猶鄭之國也故其奔

2

1. 45

春秋或問

ナ 九

鄭在楚而叔武攝事則衛侯鄭之位亦未絕也衛行在 魯昭在鄆內無篡立之君則魯昭之位未當絕也衛便 鄭也不書聖人之書此也紀其實而已矣 之位可以漸正也故忽但稱世子而突稱伯其復歸于 夷儀而剽猶在衛則行之位猶未正也故剽之弑也稱 或問察李不名何也曰突歸于鄭則名之亦歸于曹則 君而經書行復歸于衛鄭伯突在樂而忽浸弱則鄭突 祭季自陳歸于祭

弑逆父子之爭國者有之若衛輕之拒商人之弑人倫 時篡亂已甚兄弟爭國者有之若突忽之相攻魯桓之 無以異秦伯之弟鍼以富懼誅察季以賢見疑俱不能 季者過人遠矣劉氏曰蔡季之去其國與泰伯之弟鍼 以國人之所嘉而已亦無所利馬卒之終不有其國若 亂而禮義滅矣蔡季之輕已出外則不利之也其歸也 于察則不名以其非爭國也言不終於為君也春秋之 名之以其爭國也爭國則名之以别於二君也祭季歸

各处或問

孝也 弟之求行非不難也而春秋不貴是皆不明於權也使 安其身而季為顯矣太子申生知必不免而終不去以 蔡季使人不開於其父母見弟之言此関子之所以稱 陷其父兄有不義之名豈不為賢哉上為吳太伯下為 申生衛似深見輕重之分固負罪引馬超然遠舉必毋 是其父之欲衛公子仮知必見殺而終不忍逃以遂其 葬祭桓赁

定四庫全書

或問葬未有不稱公者而祭桓獨以侯稱何也曰稱侯 薨皆請諡於天子案晉仇卒於平王之時諡曰文侯 以 則察之稱便是傅之失也然其實不然周之盛時諸侯 也諸侯葬而魯往會從其臣子而稱之亦可謂禮矣然 正也稱公非正也或謂臣子之於君極其尊而稱之禮

不復請益於王五等之爵皆稱曰公乃臣下之自諡爾 加本爵是以知請命於天子也是後周益衰諸侯薨

而察侯稱便則知其請益於天子明矣蓋察季之賢知


請益也劉氏曰人多愛其君矣莫能愛君以禮而祭季 正人子不以非所得而加之於父是為孝人臣不以非 疾革而易實曰吾得正而斃馬斯已矣故終而必安於 使門人為臣子曰無臣而為有臣吾誰欺欺天乎魯子 行之此賢者之所以異於衆人也胡氏曰孔子疾子路 而可以為禮哉 所得而加之於君是為忠極其尊而稱之不正之大者 欽 定四庫全書 公會齊便于樂公與夫人姜氏遂如齊公薨


志而桓忍弑隱之心偃然居位者十有八年而見就於 或問桓公書葬何也日魯桓弑兄而自立隐有孫桓之 于齊公之喪至自齊葬我君桓公

姜氏天理亦不僭矣然其所以至此者則夫不夫婦不 未然者也泉水載衛女思歸而不得載馳載許穆夫人 婦也古人制禮尺寸不敢踰豪髮不敢越者夫豈强拂 人之情性而以繁文末節為尚哉經國家定禍亂而社

歸官其兄而義不可夫人之適其國父母在則有歸寧 色日車全書

春秋或問





順之意便若不為臣子之所逐所以全恩也然此年夫 夫人姜氏孫于都昭二十五年公孫于齊是也凡皆內 或問夫人何以不氏曰春秋書孫者三此年及閔元年 人孫于齊不書姜氏而哀姜之孫於邦則書姜氏至於 無所容而出奔也內諱奔故曰孫孫通也言孫則有孫 欽定四庫全書養要卷一千五百十七經部 A.) - wal do d. to | 春秋或問悉七 夫人孫于齊元年 春秋或問 日大主

蓋前年書公與夫人姜氏遂如齊則今年孫于齊者即 夷之姜氏也此蓋蒙上文而書之若夫夫人孫于邦則 夫人姜氏薨于夷則其所謂夫人氏之喪至者即薨于 如齊之姜氏也関元年夫人氏之喪至自齊蓋前年書 夫人氏之喪至自齊則又不書姜或者例以為闕文然 以鄙意思之若以是為闕文則春秋之可以闕文言者 固多矣奚獨此哉竊意此年夫人孫于齊不書姜氏者 定匹厚全言!

上無所見故不得不以姜氏稱也春秋書法固有前目

前書公與夫人姜氏如齊繼書公薨于齊繼書夫人孫 邦則哀姜之罪者矣夫尚有以者文姜之罪則夫婦之 于齊則文姜之罪者矣前書公覺繼書夫人姜氏孫于 氏之謂爾所謂夫人所謂夫人氏者固通稱也似不宜 者所以别其為某氏也如書夫人氏則猶母氏伯氏仲 以此而別輕重也曰然則文姜哀姜之事固無貶乎曰 文姜只書夫人哀姜加之以氏何也曰經書夫人某氏 春秋或問

而後凡者則其書夫人書夫人氏者亦此例平曰然則

夫人之禮事之関雖見弑而僖公之於哀姜也一以小 義絕子母之義絕則凡人爾此不待敗絕而自見也曰 義絕矣尚有以者哀姜之罪則母子之義絕矣夫婦之 君之禮葬之彼且以為夫人也我可不謂之夫人乎彼 也亦稱小君則猶魯之夫人也聖人之書此也無異辭 文姜之會齊侯與其薨其葬皆書夫人姜氏哀姜之葬 母乃溷於名實乎曰桓雖見弒而莊公之於母也一以

欽定四庫全書

且以為小君也我可不謂之小君子聖人書法亦紀其

桓春秋去其姜氏傳謂絕不為親禮也夫絕不為親即 舉王法則傷母子之至思此國論之難斷者也經書夫 而其子殺之有司欲當以大逆孔季彦曰文姜與私魯 人孫于齊而恩義之輕重審矣梁人有繼母殺其父者 氏曰桓公之弑姜氏與馬為魯臣子者義不兴戴天矣 孔子所書則實録也然胡氏之說則學者不可不知胡 實而已矣至於事之得失是非則世必有能辨之者而 君夫人所出也恩如之何徇私情則害天下之公義 春秋或問

論也人以為允故通於春秋然後能權天下之事矣劉 或問單伯送王姬何也曰天子嫁女於諸侯必使諸侯 至親而不得不絕者義也 欲一見之而義不可得作河廣之詩以自悲然宋襄亦 曰宋襄之母獲罪於君歸其父母之國及襄公即位 人耳方諸古誼宜以非司冠而擅殺當之不得以逆 而致也為當獲罪於先君不可以私廢命也母子 單伯送王姬 築王姬之館于外

쉷

**灾匹庫全達** 

故魯常主之他公不書而獨莊公書者二其他常事不 使魯主之蓋周之先以周公懿親為之主自此以為常 以盡愛敬必同姓所以重本支王姬將下嫁於諸侯必 之分而敬有所不足明分則廢君臣之好而愛有所 姓者主之諸侯嫁女於大夫必使大夫同姓者主之 故也莊公有父之喪其讎在齊義不與共戴天天王 此所以嫁女納后必使同姓諸便主之也主諸便 以天子之尊而與列國議婚姻之好論好則演君臣

飲定四車全書

春秋或問

古姓氏或以國或以字或以地或以官或以諡或以事 又可知也知其不可而為之為之祭館于外亦非也穀 公在寝苫枕塊之中其義為不可受而受之莊公之罪 知其不可故持築之於外也此言當矣然單伯或以 白仇 周大夫或以為魯大夫以經及之則魯無單伯也且 以居齊魯泰吳則氏以國也孟仲叔季則氏以字也 **雠之人非所以接婚姻也衰麻非所以接并冕** 

不能為之誅而俾之主婚姻之禮天王之非可知也莊

完樂孤趙之類在齊則有高國與晏之類衛之孫軍宋 以居也春秋之時在魯則有仲叔季孫之類在晉則 之華樂未開有在魯而為晉之氏族在齊而為宋衛之 則單伯天子之卿也明矣或疑鄄之盟經書單伯會之 諸侯大夫無稱伯者如毛伯名伯凡伯皆王朝之卿士 也巫乙匠陶之類則氏以事也東門北郭之類則氏 也單伯周之世族也問有單襄公簡公豈有單伯哉 As dulo 春秋或問

曰留曰黄地也司馬司徒官也文武成宣之族則氏以

趙武屈建而已若單伯為周大夫則應書單伯齊侯會 書單伯會子鄄謂鄄之會不得屬會于單伯則單伯會 于鄭不得屬會于單伯也又文十四年齊人執單伯十 于鄄稱單伯會諸侯則單伯為魯人也猶曰叔孫豹會 伐宋亦不可乎当單伯會伐宋而可則單伯會于鄄何 大夫而書至自齊也此說似矣然經書單伯會伐宋又 五年單伯至自齊與季孫意如至自齊為一例不應周 為而不可且宰周公劉子之會皆公會之既書公會則

之至自齊則為魯故也為魯故而執於齊則其至也又 不得不書军周公劉子會矣此自文體然也至若單伯 之於內也且其不知則已夫既知之而乃築之于外嗣 王姬之館于外何也曰此魯之臣子以為義不可以館 居喪可也當是時晉鄭曹衛皆同姓豈獨魯哉亦申其 天王之命魯明非也為魯之臣子者可以解矣解之以 可以不誌乎然則單伯之為天子大夫明矣曰然則築 誣曰我庶幾得國哉若是則不如不知之為愈也且

飲定四庫全書

春秋或問

誠請可矣胡氏曰有三年之喪天王於義不當使之主 或問王何以不書天曰春秋來錫命者二賜命者一此 為宜不若辭而弗主之為正也 有不共戴天之雠莊公於義不可為之主築之於外之 伯來賜公命是也凡言來錫命皆非禮也穀梁曰禮有 年及文元年天王使毛伯來錫公命成八年天子使召 王使崇叔來錫桓公命

受命無來錫命來錫命非正也賜則有加於錫矣然或

僖公成風妄母也而王使人歸合且聞又使人會葬成 者天討也今桓公弑君篡國而王不能誅又及錫之命 王使名伯會葬而已為先儒之說則曰春秋書王必稱 天所復者天位也所行者天道也所賞者天命也所刑 不書天者惟此年與文五年王使祭叔歸合且聞三月 言王或言天王或言天子杜預孫公皆以為王者之通 者非也或者以為缺文理或然矣說者以為去天以 貶則失之彼謂春秋皆書天王不應只書王耳春秋

to date 19

春秋或問

乎豈歸仲子之脂罪在冢宰而不在天王乎又豈歸成 此說春秋之作為尊王而作也而已自貶天王何以責 其不能奉天也此其說只在拘春秋書天王之例故有 風之含脂罪在天王而不在祭叔乎此其不通也明矣 以不去天而示貶乎以名冢宰為貶則崇叔何以不貶 人乎榮叔歸含且賜與军四來歸仲子之賜一例耳 其為夫人使妾並適此二事最大故皆去天以示則 師遷紀邦部部 調調

其人民故聖人詳而録之以見其强暴之甚敗且諸侯 陽此强而遷之也那遷夷儀衛遷帝丘許遷葉遷白羽 之國皆受之於天子其封城有定分人民有定居强者 者三此獨稱師者豈齊襄侍其兵衆以迫骨小國而遷 遷于夷遷容城祭遷州來此其自欲遷者也强而遷之 不可以力併詐者不可以誕取若紀者豈非受之於天 而選之者有自欲選者若齊選紀邑宋人選宿齊人選

E O IN CO AND

春秋或問

或問書遷之義曰經書遷者十而其義有二馬有强人

或問姜氏會齊侯聖人備書於册何也曰此所以發夫 散而民失其常居矣恃衆以選紀之民此聖人所以書 其土地耳未若選其民之酷也選其民則父子兄弟離 子者称若受之於天子則齊烏得而遷之今也至於遷 師以深疾之敷 其三色而無所顧忌則是王法不存而許力勝小國烏 不日侵月削以至於亡也凡書選與書取異取者取 夫人姜氏會齊便于孫

序詩者以為刺襄公之無禮義也做筍之詩曰做筍在 而會馬繼而享馬專則禮有加美又繼而如齊師如齊 齊侯于祝丘祝丘魯地也五年如齊師師則衆在馬七 九日日日 4 1 則無羞恥於衆矣又一歲而再會馬其為惡益遠至 馳之詩曰文水滔滔行人應應魯道有湯齊子遊 孫于齊之後此年冬會齊侯于禚祥齊地也四年享 春會齊便于防防魯地也冬又會于穀穀齊地也始 春秋或問

人羞惡之心以為後人之鑒戒也以經攷之夫人姜氏

子通于其下况國君乎君者人臣之主也風教之本也 人亦皆知之矣而莊公之不能以禮防開其母則世或 告知惡之矣而其原則在桓之不能防開其妻桓之失 未之察也善乎趙子之言曰子可以制其母乎夫死從 莊公有威儀技藝而不能防開其母也夫齊襄之惡人 梁其魚唯唯齊子歸止其從如水序詩者以為惡桓公 既成兮終日射倭不出正兮展我甥兮序詩者以為刺 不能防開文姜也衙嗟之詩曰衙嗟名写美目清写儀

或問溺何以不氏曰石氏曰溺之不氏說者曰大夫不 可以專入色師師入邑自無駭始大夫不可以專伐國 之往也則公之威命不行而哀感不至耳 母威刑以馭下車馬僕從莫不俟命夫人徒往乎夫人 不能正家如正國何若莊公者哀痛以思父誠恭以事 **倭盟折自柔始春秋之時大夫專會紛紛皆是誅之** A.) 5 101 / 115 | 107 師會諸侯伐鄭自軍始大夫不可以專會諸侯盟會 溺會齊師伐衛

氏又不知其何以贬之乎宜吾曰春秋之初大夫皆不 也是以去氏以貶之為此說者亦巧矣然挾之卒也不 溺會齊師代衛非始僭也謂其不當黨仇雠以伐同姓 以氏見也 不可勝誅誅其始僭而已此其所以不稱族也至於

**5 匹厚全書** 

是魯不往會也或曰不書葬者公親會也書葬者公不

或問天王崩有書葬者有不書葬者何也曰不書葬者

亦使卿魯之夷王於諸侯也可知矣蓋猶有甚馬者成 六年使公子遂葬晉侯九年叔務得臣葬襄王是均周 二年叔鞅葬景王是均周宋滕也葬諸侯使卿葬天王 晉也的十一年使叔弓葬宋公三年叔弓葬滕侯二十 是為常事而不書也然比事而觀則葬諸便不書公葬 天子而可以不志乎死生終始之際人道之大變豈以 天王亦不書公文無異解則其為公不親往也明矣文 親會也不言葬者常也言葬非常也夫事孰有大於葬

to due W

春秋或問

葬於諸侯則會之於夷狄則會之何為者哉春秋諱公 或問紀季以都入齊或曰大夫不得用地公子不得去 之葬晉侯也故書曰公如晉諱公之葬楚康也故書曰 五年定王崩不書葬而十年晉侯孺卒公如晉襄二十 國君子無避外難紀季皆犯此三者其惡可知也紀之 公在楚是故春秋不徒志葬也 八年靈王崩不書葬而楚子昭卒公在楚於天王則不 **5四月百三** 紀季以鄰入于齊

問丘來奔苔年夷以年婁及防兹來奔之類是也今季 春秋之法凡人臣竊地以逃者必書奔如那庶其以漆 是以都入于齊請復五廟以存姑姊妹姑以存宗祀馬 益孤而無以自存則季之為也或曰齊為無道紀侯事 其亦可也二說將孰從曰以春秋一書及之則可見矣 之而不得免馬固不忍關其民也逡处有去志紀季由 為人弟義當與之同休威而乃裂其色以事雠使其勢

飲定四車全書 一

春秋或問

為國本受之天子雖諸侯不可以其國而與敵况於季

宗祀而已尚奚疑哉曰然則比之做子何若曰不類微 當死箕子則以為我無臣僕從人之理而詔王子出迪 子紂之庶兄也比干箕子皆宗臣也比干既安於義之 深親夫存亡消長之機以求存其宗國其實不然蓋微 子之事昔人以為微子度紂之公亡抱祭器而歸周盖 盈入于曲沃以叛是也令季不書叛則非叛也不書奔 不書叛而直以鄰入于齊則是以鄰入于齊而求存其 不書奔則非奔也凡臣竊地以自恣者必書叛如晉樂

與季而使之入齊以為附庸是微子之歸周蓋在於商 之事則紀侯不能下齊又自度不能死守其國故以 存宗國夫豈般國未亡而先棄宗國以從人乎若紀季 之及武王克商然後面縛衛壁衰經與觀而歸周以求 不忍與比干相從於死而懼其後之無以繼也是以去 未亡而微子先抱祭器以歸周也出於自靖自獻之心 故微子之去所以存宗祀也然所謂去者非謂紂之國 紂既亡之後而紀季之入齊乃在於紀侯尚存之時微

春秋或問

或問書次之法曰有伐而書次者有救而書次者有俟 侯不能死守其國而紀季不以都入于齊則紀季為不 子之歸周出於理勢之不得不然而紀季之入齊則出 脛是也救而書次者有緩師畏敵之意次于匡救徐次 而書次者伐而書次者有整兵謹戰之意遂伐楚次于 智故曰紀季之事出於不得己而然耳 於紀侯之命紂未亡而微子處歸周則被子為不仁紀 金灰四月白書 公次于滑

于郎以俟陳察是也此年次于滑而不言其所以則其 於齊有不共戴天之讎而不能報尚安能謀既危之紀 之於紀有婚姻之好紀之有難魯當救之可也然公之 之後紀之所恃者惟魯而已紀之於齊有積年之恨魯 而存之乎自知其不能而姑欲竊殺弱之名以次于滑 亦無謂而已矣書此不惟見魯之不能救紀亦以見 聶北救那是也俟而書次者有無名妄動之意師 以次者亦無謂矣是將救紀而不能也自齊鄭如紀

אין ס יישר קי שיים ו

春秋或問

古

城也與民守之效死勿去又曰昔者大王居が狄人侵 之事固難乎為紀矣滕文公問於孟子曰滕小國也問 春秋之際小國介於大國之間日見侵削不幸而如紀 或問紀侯大去其國聖人之書此也罪之乎許之乎曰 鲁之不能處齊也 曰是謀非吾所能及也無已則有一馬鑿斯池也築斯 於齊楚竭力以事大國則不得免馬如之何則可孟子 The state of the s 紀侯大去其國

之孟子世守之說則有愧矣聖人之書此也非罪之也 見其有强為善之實則其仁不足稱也又不能效死而 斯二者孟子之所以為滕文公謀者不過此二說而已 則築城鑿池與民守之效死勿去可以為義今紀侯未 人者害人委而去之可以為仁使紀侯明乎世守之道 之去之岐山之下居馬が人從之者如歸市君請擇 不去則其義不足道也方之大王養人之言則不類比 紀之見倡於齊也使其有大王之德則不以其所以養

tel o not to due

春秋或問

主

卒遷其三邑之民紀知齊之决不可事也以先君之故 而謀以都入之亦庶幾稍釋其怒矣而齊之欲未息也 以圖釋齊之憾亦可已矣而齊之貪未止也至襄公時 于成再來朝將倚魯以為重也而魯不足倚己而嫁女 三國為垂之遇是將以兵壓境矣紀候為是妻死不暇 亦非許之也直傷之而已矣紀之可傷則齊可惡矣夫 之見疾於齊也久矣紀之所以圖免者亦至矣始會 王将依天王以為安也而天王不足依己而會于黄

5四月百言

葬生者以齊故而不獲其所歸紀之不幸也甚矣聖人 惡齊也病魯也又以病天王也雖然諸侯而去其國非 傷紀之不幸則齊之惡可知魯之不足倚也又可知天 葬委而去之已去其國而叔姬歸于都悲哉國滅而身 不知所存兄弟訣别而骨肉離散沒者以齊故而不及 ĸ 王之不足依也又可知故書曰紀侯大去其國悼紀也 定四車全書 會伐衛王人子突救衛衛候朔入衛 春秋或問 さ

蔡侯歸蔡陳侯歸陳是也若衛侯朔則當有國矣已而 出奔令其歸也不書復直曰入而已矣凡書歸皆易辭 復國也故不言復非未得國也而不言復則非奔君也 國也鄭突入樂不言復衛侯入于夷儀不言復盖未能 書復以明其未有而今始復也其或歸不言復者未得 自楚復歸于衛衛侯行復歸于衛曹伯襄復歸于曹告 或問衛侯入于衛何以不言復曰案春秋奔君言復者 皆復其本位之辭也是故鄭世子忽復歸於鄭衛侯鄭

凡書入告難辭許叔入許猶有鄭難馬鄭突入機猶有 朔之不當有國也或曰朔之立出於先君之所命何以 有剽在馬不然則直書歸而已矣書入而不書復以明 忽在馬衛便入于衛猶有點年在馬衛便入于夷儀猶 君欲立之當是時使其國人安之以為君為天王者亦 乳子取馬是朔之不當立也明矣朔之不當立也而先 不當有國口以適言之則极當立其次則壽朔與宣姜 仮於衛宣公為之殺仮及壽衛人為之賦二子乘舟

春秋或問

五國連兵以抗王人而朔始入衛諸侯之罪可勝誅哉 魯以冬代衛而秋始至則五國連兵以抗王人也可知 恤 王猶能奉征代之權也惟莊之五年書魯齊宋陳祭 五國者亦可以退聽矣而五國連兵必欲納朔而後已 因國人之所不與也而命縣年此固義之正也五國不 可以治其舊惡而廢之而況國人怨之而不與乎天王 天王之命而欲納朔天王以大義之正而救縣年為 秋之初惟桓五年書蔡人衛人陳人從王代鄭是天 匹库全書

Andrew Control of the Party of

鉑

定

權也夫使三國從王伐鄭而鄭服則諸侯無有不臣者 罪權髮不足數矣 矣惟其救衛而朔卒得以自立然後王命益不行於天 衛六年春王人子突救衛是天王猶能執廢置諸侯之 人子突救衛而點年立則諸侯無敢不禀命而自立者 矣惟其伐鄭而鄭不服然後王命不行於天下夫使王 而卒止於此然則鄭寤生抗王之罪五國連兵納朔之 下矣春秋之初天王之能舉其政刑者惟有此二事耳

2

), 1: [編制]

春秋或問

ナ

代衛之所得謂之實則必朝以此點五國也然先書朝 或問左氏經文作停而三傳皆以為實何也曰胡氏謂 四國之會于稷也取部大鼎五國之納朔也衛實來歸 書稱俘厥實玉則實玉亦可謂之俘也然謂之俘則必 而繼書齊人來歸衛實則必是納朔而得賂無疑 齊人來歸衛俘

盆坑

175

月白

크

當時諸侯之罪可知矣或謂說文保字後人從采省文

保古字通用實或作保保字與俘字相似故誤作俘

BELLEVE BELLEVE FOR STORE OF THE STORE OF THE

字耳 於鄉也齊魯同圍鄉而鄉不降魯而降齊則無義而不 如此之詳者與陳蔡約將有事於鄰國陳蔡未有師期 或問書次書俟書師還何也曰春秋書用師多矣未有 至而後治兵則有畏也至夏而後及齊師圍鄉則取必 而先出師則輕舉而妄動也師次而俟外援俟之而不 ), d.15 師次于郎以侯陳人蔡人甲午治兵夏圍邸 邮降于齊師 春秋或問 九

者至是師為重矣義係於師故不稱公也經未有言師 也聖人備而書之重用師之道也案左氏仲慶父請伐 及其還皆不稱公者重用眾也春秋正例君將不稱 以服人也自正月出師至秋而後師還則淹時之久 大衆妄動久役俟陳察而陳察不至圍邮而郎 三時而後還則無名騎武非義害人未有如此之甚 師莊公不可是國君上將親與圍鄉之役也然其次 四月五言 則以君為重今此不稱公則又以為重衆何也輕

晉至笙遂奔齊襄十九年晉士勾即師侵齊未至齊而 離晉而鄭伯會之也故明年始書公至自晉宣十八年 晉既盟而歸鄭伯會公于非書曰公還自晉者言公己 書還者皆去其所往之地而未至國也文十二年公如 還者今此獨言師還何也曰還者始班師也據經之凡 自彼及此而未至之辭也秋師還言始班師也以見暴 齊君卒不遂侵馬故書曰聞齊侯卒乃還以知還者皆 公孫歸父如晉還未及國聞君崇而奔書曰歸父還自

飲定四車全書

師於外歷時之久無功而還也 齊無知弑其君諸兒

實就齊襄公無知與聞故者也而無知受之則無知為 弑而無知受之則賊不在二子矣是故連稱管至父 或問紙君者連稱管至父而曰無知弑其君何也曰君 閼

逆首公子棄疾實弒楚靈比與開故者也而比受之則

異於他弟施及其子衣服禮秩如適此亂本也故於年 比為逆首此可見春秋書法矣胡氏曰僖公私其母弟


悖故堯親九族必先克明俊德而後九族睦周封同姓 當國也垂戒之義明矣古者親親與尊賢並行而不相 或問瑜年稱君無知就君而自立既瑜年矣而不以成 於尊賢使為儀表以明親親之道必有篡弑之禍矣魚 必先庸康叔蔡叔而後王室强徒知寵愛親屬而不急 胡 之來聘特以弟書於無知之弑不稱公孫者其有電而 傅 齊人殺無知 春秋或問


名之則春秋亦以賊名之國人不以賊名之則春秋亦 不以賊名之據事直書而衰敗之義見矣祭般之見殺 人察般是也弑君之賊人人得而討之然而國人以賊 見殺也而稱君則國人既安之以為君而又殺之也亦 不正其為賊也不正其為賊者明不以賊討之也齊商 君書之何也曰正其為賊也正其為賊者明以賊討之 州吁無知是也弑君之賊其見殺也而稱君稱爵者 而稱爵則楚子誘而殺之也非以賊討之也商人之

歃

定四庫全書

resignations are a separately and the second





校對官檢討

臣

臣

**港绿監生** 

臣

俞

欽定四庫全書着要奉教或問悉心

詳校官原任侍講臣王燕緒

納提盜僖二十五年納頓子與此年是也凡皆不受而 欽定四庫全書養要卷一千五百十八經部 納糾然襄公見弑小白奔苔糾奔魯小白與糾告庶 致之辭盖二公子各有黨小白之黨在內故公伐齊 春秋或問卷八 三年納蒯聵宣十一年 納公孫寧儀行父文十四年 (書納之義曰春秋書納者六昭十二年納北燕伯 公伐齊納糾齊小白入于齊九年 春队或問 吕大圭 撰

赤不當立也聖人書法之嚴如此哉是故小白糾之長 不稱子糾不當立也羈係之曹羁當有曹也赤不係曹 突不係鄭突不當立也小白係齊則小白當有齊也針 書而知之上書納糾而下書齊小白入于齊以小白而 曰何以知糾之為弟而小白之為兄邪曰以春秋之所 子而小白兄也糾弟也則小白當立糾不當立明矣或 少不少觀之他書觀之春秋足矣孔子稱管仲之功則 係之齊則小白當有國明矣忽係之鄭則忽當有鄭也 欽 定四庫全書

於克入而已矣故雖未入國也而至其國馬則書國如 也雖欲納之而實未能納也夫納者雖內弗受亦必志 死為傷勇聖人比名忽於自經溝瀆之該而與管仲可 仲之不死為非義使糾不當立而小白當立則名忽之 於溝瀆而莫之知也使小白不當立而糾當立則管 人納頓子于頓晉人納提當于都是也雖未得國而 之功則小白糾之長少亦可知矣然公之伐齊納糾

J. 415 189/

春秋或問

曰微管仲吾其被髮左在矣豈若匹夫匹婦之為該自!

而已以伐則見敗以納則見殺公之耶 也志於納糾而納糾之義又非能終也終於齊人殺 入於邑馬則書邑如齊高 問乾時之戰春秋書之不諱其敗何也曰或謂能與 世子削 以邑則糾不能入所以只言公伐齊納斜 月全主 **儺子也國可以伐斜可以無納伐齊非以復** 戰 職于成是也今公之納料也以國 于乾時我師 優納北燕伯于陽晉趙鞅 胶 績 深矣 则 而己齊 白 讎 讎 納

in the second of the second of the


釒

灾


本欲納其亡公子以為徳是豈有欲 白己入齊矣公猶不己也遂與之戰是其所以伐齊者 復讎之盛心則此戰為義戰雖敗聖人不之恥若是而 雌人戰雖敗亦禁也是以不諱之然以經及之則其所 曰能與雠人戦雖敗亦禁可也令其所以與齊戰者非 以伐齊者非為復讎也為納糾也使乾時之戰而出於 復讎也本與齊大夫謀欲納糾既而伐齊納之而小 Zi dulo W 春秋或問 闕

ĸ


. ) Ē



	tyvatorská klebn	Name of Section	CONTRACTOR OF THE PARTY OF	- Michigan School		0.5500000000000000000000000000000000000	Carry Michigan	
7								
2					- 1			
					I			118
2					1			1
,								1 4
į	1 1							18
-								1
>								1
								18
-								18
1  89/								
7								
1								
								18
春秋或問								
								18
杦	1		1					日
或							1	
151								1 1
	1			1				18
			1					16
								1 2
	1				-			
				İ				
								i P
			İ	İ			İ	l h
	1				}			
e					1	l		l 18
-	)		1	l				
			1		1			
								1 . 6
								1 1
				1	l		1	
			1			1	ļ.	
		L			L	L	1	L



A ALI DI LEEL ALIA W 春秋或問



其伯業盂之會宋楚争長偃然序楚於陳察之上甚者 執宋公以代宋至是而不書焚子謂之何哉聖人蓋有 之戰宋又不得志自是而後楚日以强向微晉文城濮 不得已者矣宜申獻捷楚既以是成中國之諸侯而弘 國而已故終桓公之世只書人齊桓卒而宋襄不克終 無事然其倔强之態終莫之弭也幸而未至於陵駕中 戦則楚之主夏盟久矣聖人雖欲勿書其爵勿序於 侯之上惡得而勿書之哉或者以為聖人之進夷狄 ). J. | | | | | | | | | | 春秋或問

則誤矣 全書 齊師減譚譚子奔為

む

定匹庫

或問諸侯失國常名之譚子何以不名或曰譚本無罪

而齊滅之罪不在譚子也故不名然當及之經則其

有未通者案經諸侯被執以歸者未有不名荆敗祭 以蔡侯獻舞歸晉滅路氏以路子嬰兒歸蔡公孫姓

陳公孫佗人滅頓以頓子牂歸晉人執戎蠻子赤歸楚 沈以沈子嘉歸鄭游速滅許以許男斯歸楚公子結

卒皆名之其餘莫不名而秦伯薛伯滕子杞子卒則或 皆名之而楚人滅夔以夔子歸則不名外諸侯之卒未 奔衛不名由此觀之以歸而書名奔而書名與卒而書 譚子奔莒不名楚人滅弦弦子奔黃不名狄滅温温子 其為某君也如吳滅徐徐子章羽奔楚是也而齊滅譚 不名滅而奔者亦名蓋失地之君也名之欲使後人知 有不名者宋公和卒祭侯封人卒齊侯小白卒晉侯周

名皆一義也其不書者則史失之而聖人不能增之也

春秋或問

次 色 日 奉 全 書

蓋弦温譚襲皆小國也國小則其紀載或有未備者矣 奔齊名之而衛侯入于夷儀則不名此非紀載之未備 論之也執稱曹伯而歸則稱曹伯襄執稱衛侯而歸 若夫中國之諸侯則其奔而或名或不名不可以是 也而或名或不名則有義矣蓋不名則其位未絕名之 以别於二君也又與小國之紀載未備者不同矣或 稱衛便鄭衛侯出奔楚不名而歸於衛則名衛倭行 以見其為失地之君也不名所以正其位而名之所

君以名其不名者皆史失之也 譚弦温子豈非見滅於强國而其位未絕邪曰徐子音 羽亦見滅於强國者也豈其位處絕那吾故曰失國之

後曷為而不紀邪莊二十年書齊大災豈王者之後哉

春秋或問

於定四事全書

書肯書宋乎殼梁謂為王者之後紀異則把亦王者之

我也且宋去魯甚遠雖大水豈能相及尚及魯魯當自

或問春秋紀災異惟宋特詳何也曰公羊謂何以書及

杜氏云串則書昭九年書陳災於時陳已為楚所滅則 採而孔子祖宋得其事實為尤詳故備録馬其他則因 書非惟大水而已意者夫子雖因魯史以作經亦必博 二見而於宋事為尤詳如雨螽質石退與之類莫不備 必詳悉而書之而外災則於宋鄭陳衛或各舉其一二 魯何所吊而書之乎黎氏謂春秋詳內而略外故內災 以見列國之異也其就是矣然春秋於列國之災間

史所書或得其實而後書之不及聞則否

者亦以紀叔姬之有賢德也宋共姬紀叔姬皆吾女曹 變得書者紀叔姬宋共姬之事為尤詳婦不書歸而叔 宋共姬之事者以宋共姬之有賢德也詳紀叔姬之事 姬得書歸內女不書葬而叔姬得書葬與宋共姬同詳 殆不及經之故案經內女之見於經而以其遭人倫之 或問紀叔姬之歸于鄒或以為娣無歸之理何也曰此 紀叔姬歸于都

人倫之變者也而其賢德可稱故其卒其葬旨得書之

欴

定四車全書

春秋或問

如宋齊衛盟于五屋宋陳蔡盟于折是也至北杏之會 或問案春秋惟主兵則序主兵者為首若盟會則序爵 去其國至是叔姬始歸于都豈紀侯至是而方卒乎 其卒其葬史冊悉書夫子存而弗削馬莊四年紀侯大 人有來歸之義叔姬不歸魯而歸都以紀之五廟在酅 聖人之所書而其賢可知矣紀既亡矣魯為宗國婦 以紀亡而虧婦道也魯人高其節義是故其歸于都 齊侯宋人陳人蔡人邦人會于北杏

宋也辰陵之盟書曰楚子陳侯鄭伯則晉文沒而伯主 杏以後則諸便之盟會序伯主為首北杏以前諸侯有 之權移於楚也黃池之會書曰公會晉侯及吳子于黃 宋公曹人都人盟于曹南則齊桓沒而伯主之權移於 晉侯於齊師宋師之上盖予晉以伯也曹南之盟書曰 則序齊於宋之上何也曰蓋與齊以伯也城濮之師序 則兩伯之辭也故北古以前諸侯之盟會皆序爵此

飲定四車全書 一

春秋或問

相會者北杏以後則諸侯非伯主不會矣此杏之會

有周也及伯圖之既與也列國諸侯向之紛紛而無統 主之柄天下紛紛莫之統一亦可數矣雖然人心猶 有若鄭莊齊僖之流雖能雄長於一時而終未能執伯 有温之會矣方伯圖之未與也列國諸侯更相吞噬問 滑滕之君也又至葵丘之會則宰周公在會矣然猶未 則有幽之盟有幽之盟則有葵丘之盟有葵丘之盟則 也至於温之會則天王實符馬其盛極矣有北杏之會

其至者宋陳蔡邦之大夫耳至幽之盟則宋陳衛鄭許

諸侯終有疑馬而未信者使當是時而有王者作其不 幸而前乎此者未有此舉今而齊桓一旦驟為之列國 邦之至者僅以大夫而已以此見伯圖之興雖天下之 而亦未當喜伯主之盛據事直書而善惡自見矣夫以 王命浸微矣聖人之於春秋也固未當不與伯主之功 天王之符一時氣勢聲談赫实中國賴以少事然自是 者今則翕然惟伯主之為聽下以號令於諸侯上以致 桓圖伯之初而列國之至者惟宋陳蔡都而宋陳蔡

灾 足 日 草 公 書

春秋或問

或問柯之盟齊及魯平也世儲而平可乎曰胡氏曰始 **翁然而歸往平** 公會齊侯盟于柯

嗣魯於襄公有不共戴天之讎當其身則釋怨不復而 及齊平也世讎而平可乎於傳有之敵惠敵怨不在後

主王姬狩于為會伐衛同園部納子糾故聖人詳加譏

國攘夷狄尊天王乃欲修怨怒鄰而危其宗社可謂孝 貶以者其忘親之罪令易世矣而桓公始合諸侯安中

魯莊當其身而釋怨邪蘇氏曰始及齊平也公羊於此 著乎天下予以為此春秋之後好事者之浮說而非其 言曹沐手剱劫桓公以及汶陽之田管仲許之要盟可 爵則以為釋怨而平可也或稱齊襄復九世之雠而春 秋賢之信乎以仲尼所書柯之盟其辭無貶則復九世 乎故長与之役專以責魯而柯之盟公與齊侯皆書其 犯而桓公不欺曹子可雠而桓公不怨桓公之信由此 **雠而春秋賢之者妄矣其諸傅者借襄公事以深罪** 

大型甲白品

春秋或問

實也魯桓之怨不在桓公曹沫無以發其怒一也使曹 戰莊公始用曹沫以敗齊自是魯未當敢戰安得有所 盟書曰宋人及楚人平而不書盟令書公會齊侯盟于 三戰三敗以兵却桓公求侵地者乎故仲連亦不足 北失地五百里及桓公會諸侯曹子以一劒之任拔 誠以劫得盟如華元子及則春秋要盟不書楚宋之 公之心於壇站之上三戰所亡一朝而復案長与之 二也是公羊不足信也會仲連稱曹子為魯將三戰

信也 齊陳曹人伐宋單伯會伐宋

也日左氏以為宋育北杏之會齊請師於周以伐之於 也會于北杏宋實在馬總一閱歲而會諸侯以代宋何 或問齊桓之将圖伯也其次于郎則實挟宋師關

一部子會盟于都是也召伐而後至則稱會伐如隱四年 理或然春秋之義名盟而後至則曰會盟如僖十九年

一量即師會伐及此年單伯會伐宋是也然則單伯之所 たミョ THE LA ALIA IN 春秋或問

軍伯之會伐特出於齊侯之請勉强而從之是以遲遲 單伯會伐宋三國以春伐宋而單伯以夏會之於以見 以會代者蓋齊請之也齊之所以請師於周者借王命 以為名以威諸侯也春秋書曰齊人陳人曹人伐宋夏 未幾而宋已肯之齊於是請師於周以討之夫會諸侯 之重以威諸侯也齊桓之與名曰尊王室而北杏之會 侯也討請侯而必請師於周非誠尊周也不如是無 名曰尊王室非誠尊王室也不如是無以為名以會

5四月五言

前年之會既逸賊而不之討今年之伐無以為名不假 安中國者是徒張其虚聲以竊諸侯之權耳實安在哉 陳納弑君之賊而齊不能正北杏之會姑欲諸侯之從 巴而已大義所在既已失之則其所謂尊問室攘夷狄 而後至耳方伯業之未成也故必假王命而行及伯者 以伐宋豈誠得宋之罪哉宋有弑君之賊而齊不能討 之令已行則天下不知有王矣雖然齊率諸侯挾王命

王命之重則不足以威天下是齊桓之志也此一役也

春秋或問

U all 7 and 1, dis ]

惜哉 倘在於北杏未會之前則弑君之賊不接跡於天下矣 灾匹厚全書 | 荆入蔡

或問荆入春秋而首入察何也曰蔡邇楚之國也每觀 夷猾夏而莫之制也入春秋以來察當從王伐鄭則猶 荆楚方强而察首被其禍未當不數中國之不振旅蠻

修勤王之職也會于鄧盟于折會于曹則猶交諸侯玉

帛之好也伐鄭伐衛伐戴則猶同諸侯兵車之會也自

盟齊則與蔡俱至二十一年楚會孟則蔡復偕至二十 桓既沒晉文未與楚成抗衡北方則察必預十九年楚 敗華以來五年兩被荆伐哀侯蒙塵不返而蔡之臣子 宋伐鄭兩會于鄄兩盟于幽會于捏察皆不與盖自是 甘為楚向齊桓稱伯察僅一從北杏之會自是而後伐 七年楚圍宋則察復偕至至於城濮之役楚既大割祭 不能華蔡人從楚之心齊桓終不得置蔡於盟會也京 而從楚矣是故召陵加師僅足以得楚人之屈服而 Ar duto 1 春秋或問

) 5

始改圖晉之三會龜勉問旋踐土之載書曰晉重耳蔡 討其不與新城之盟而蔡猶未即晉也成八年晉樂書 然之次遂執干戈從楚楊為窺宋之謀十五年 晉谷缺 甲午藏在王國列國告能道之温之會翟泉之盟猶前 而楚復興子囊之師為蔡讎鄭終悼之世亦不能得蔡 且安於楚之字下襄八年鄭欲媚晋而侵察獲公子燮 即師侵察而楚救之晋悼之與列國悚馬以聽命而祭 志也晉文既沒而中國之盟會察復不與至文十年辰

莫如蔡之先也其堅於事楚者莫如蔡之甚也的十一 伐吳也又書曰楚子祭侯是中國諸侯其折而從楚者 察侯二十七年宋之會昭元年號之會察公孫歸生實 年楚虔誘察侯般殺之于申矣楚公子棄疾師師圍祭 序於列國大夫之上四年申之會書口楚子蔡侯其再 伐鄭則書曰楚子祭侯二十六年楚伐鄭又書曰楚子 於盟會也晉悼沒而楚之後察常從之襄二十四年楚

矣其冬楚滅祭執世子有以歸用之矣楚度既沒而祭

钦定四車全書

春秋或問

未已哀元年楚復圍察使察人男女以辨疆於江汝之 **哲舉之戰遂便察人假手於吳以釋憾楚禍雖深察** 晉氣慎而情激亦既轉而從夏矣而召陵之後晉人求 貨而解察諸侯侵楚之師不出而楚人圍察之師及至 廬復封則祭之存亡與廢皆宅命於楚而中國安得有 佩之微遭三年拘止之辱沈玉壁以絕楚贄爱子以請 之乎察未東國之廢置專以費無極之一言而廢君立一 君楚之小臣得以制之矣蔡昭抱累世之憾以一裘一

之其從楚最先其事楚最厚而蒙楚之禍最甚祭之始 察候未則察之禍三也楚子常拘察的於南郢則察之 福四也楚昭遷蔡於江汝則蔡之福五也凡此皆楚為 楚靈之殺察般察祀將絕則察之禍二也楚貴無極逐 皆楚為之楚文之執獻舞蔡十年無君則蔡之禍一也 國諸侯之家福於楚亦莫如察之甚也是故察之五禍 公孫翩之禍远於春秋之後而蔡終為楚所并是則中

開蔡人傾覆是懼謀徒州來哭墓而遷君臣相殘以及|

當祭昭絕楚從晉之時晉之君能守其先緒而不奪於 伯常如文公之盛則蔡必不舍中國而從於楚矣向使 蔡蔡遷于州來觀察人之禍福而中國夷狄之盛衰可 終受禍於楚也其見於經則曰楚子陳倭随侯許男圍 以攘夷秋則蔡不折而入於楚矣向使践土之後晋 矣向使當荆敗蔡師荆入蔡之時而齊桓即能救中 禍於楚也其見於經則日荆敗蔡師以獻舞歸察之

求貨之臣則察不至於假吳以釋憾而卒致州來之遷

則歸寧詩之萬覃之稱歸寧父母是也既沒則使卿寧 或問夫人姜氏如齊聖人備書於冊惡之也齊桓之賢 而亦書夫人如齊何也曰在禮夫人之適異國父母在 為是而三歎哉 背中國也在於晉文沒而晉伯不能競其終背中國而 矣故其始背中國也在於荆入察而齊桓不能救其再 吳也在於晉伯既衰而不能有察也讀春秋者寧不 夫人姜氏如齊 春秋或問

齊之舉然齊桓五霸之賢君必能緊裹之失而正之以 哀二年左傳楚司馬子康聘于泰為夫人寧是也齊桓 或問經莊五年鄉黎來來朝公羊口小都婁也杜氏口 大義馬故夫人至是不復如齊而如当矣 不復如齊魯齊之盟于柯甫及二歲不恤前非復有如 襄公既沒又如齊馬夫人之失禮甚矣蓋自襄公既弑 之於文姜兄弟也前此已會齊襄其貶不待論而見今 宋人齊人邦人伐郎

炭匹 月 全 書

或問此者之會先書齊屬而此年伐鄭與伐鄉則先宋 故齊為之代郎汪氏日石氏以為即有二郎黎來乃是 先主會征伐先主兵此年先宋國與伐即之義同杜預於 小邾國而三國代鄉乃宋之附庸鄉有二也不知是否 郎蓋出於邾也此年三國伐郎杜注云附庸屬宋而叛 附庸國其後數從齊桓尊周室王命以為小都子是則 何也曰伐郎伐鄭凡以為宋也石氏曰春秋之法會盟 次 足 日 奉 全 号 宋人齊人衛人伐鄭 春秋或問

之會吳晉爭先諸侯先晉率馳之會子魚一言衛復放 上而齊桓既伯則後陳蔡居陳下而昭公以前則先衞 此特發例曰班序上下以國之大小為次汽軍同之盖 國之小大為之次哉亦以見周衰禮籍之亡諸侯皆以 於主會之臨時隱公之初滕薛爭長魯人長滕黄池 弱相制班爵上下不以先王之舊法而先後進退旨 秋會盟有以候而先公者有以男而先伯者衛居陳 大國也而後紀滑小國也而先膝考斯志也豈特以

書虞於宋之會先書晉又皆以示義也 者十有六莊十六年幽二十七年幽文十四年新城宣 或問書同盟之義曰案經書盟者一百十二而書同盟 十二年清五十七年斷道成五年蟲牢七年馬陵九年 敗壞也夫豈純在於國之大小哉乃若虞晉滅下陽先 上澶淵之會良霄先至鄭處宋先如此之類皆非周舊 一切因其實而書之以見諸侯之縱恣而王制之 同盟于幽

.

意推之竊謂盟而書同固出於諸侯之同欲無可疑者 浦十五年·成十七年 柯陵十八年 虚打襄三年雞澤九 之會則不書同晉文踐土翟泉之盟則不書同至於趙 也公羊曰同盟者何同欲也穀梁曰同外楚也愚當以 年戲十一年毫城北二十五年重丘昭十三年平丘是 盾新城之盟而後書同自是而後不書同者寡矣蓋齊 以經及之齊桓之盟惟再盟于幽皆書同若葵丘牡丘

定四庫全書

桓為幽之盟實在荆入察伐鄭之後中國諸侯同於懼

楚倚桓以為重故兩盟于幽皆書同馬若葵丘踐土之 自是而後楚日以强中國之伯業日以不振故凡中國 諸侯之相與盟會者皆倚晉以為重凡皆諸侯之所同 從之故不書同晉文卒而楚益强新城之盟同於懼楚 則劉子不與盟也故有以主是盟則不書同是桓文 也惟澶淵之盟不書同則平齊晉也率鼬之盟不書 則桓文之盛也主是盟者蓋出於桓文之意而諸侯

主伯之盛也二幽之盟而書同則桓公伯業未盛之時

盟趙盾實主之則以大夫而僭天子之禮疑亦未至是 之禮蓋天子之禮而齊桓竊之故書曰同然以新城之 也吾故曰同盟者同欲也雖然初盟于幽不書公再盟 于郭亦服異也而何以不書同邪或謂殷見曰同同盟 而後書同如左氏所謂鄭成陳鄭服之類是也然兩會 之也聚欲則猶未純乎專主盟也說者以為必當有異 而後書公何也曰是春秋之變文也舉天下而聽命於

欽

定四庫全書

城以後皆書同則晉伯業漸衰之際凡書同者聚欲

古未有是也是以遅遲馬而不往至於幽之盟則諸侯 于幽則亦不之諱矣荆楚戎狄肆行而莫之制不有齊 告來而魯亦不得以不往矣雖然猶有諱也至於再會 不可以合諸侯而魯之君臣猶守先王禮文之舊以為 不之會魯東方之望國而周公之祚嗣也齊不得答終 王臣實來而魯不之會再會于鄄宋衛陳鄭皆至而魯 北杏之會魯不之從齊為是盟于柯以懷魯伐宋之師 邦古未有是而齊首為之魯君為是遲遲而不之往

尺 ED D D A A A A

春秋或問

秋之所不予也主夏盟以制夷狄桓文之功春秋之所 馬得而勿從之哉是故挾天子以令諸侯桓文之義春 桓倡義以為諸侯主其誰能治之魯之君臣雖欲勿從 棄也 **万四月白言**